

Riikksuávtõõzz asetõs

sää'm äimmõs-suávtõõzzâst

Riikksuávtõõzz tu'mmstõõgg meâldlânji šiotteet äimmõslää'jj (423/2022) 21 § nuájain:

1 §

Tuáj

Äimmõslää'jj (423/2022) 21 § 2 momee'ntest jurddum sää'm äimmõs-suávtõõzz teáttvuáð puu'ttummuž kuõskki jee'res tuáj lie:

- 1) ciálklmi ouddmõš jee'res še äimmõspolitiikk kuõskki vä'lddkááddlaž plaanin gu äimmõslää'jj 9—12 §:st jurddum plaanin;
- 2) teáttvuáð puu'ttummuš meersaž äimmõspolitiikk vaaiktõõzzi ärvvtõõllâm da seu'rrjem diõtt sää'mkulttuur da sää'm vuõiggádvuõði kiõččâmkuu'lmest;
- 3) ciálklmi ouddmõš sä'mmlai dommvuu'd kuõskki pääiklaž äimmõsplaanin le'be äimmõstooi'min;
- 4) nákam jee'res ko 1—3 pääi'kest jurddum teáttvuáð puu'ttummuš, kää'tt tuárjjad sää'mkulttuur äimmõsmuttâz tuõ'llstõõllmõõžžâst le'be äimmõsmuttsa šiotlõõvnmõõžžâst.

2 §

Norrõs

Sää'm äimmõs-suávtõõzzâst lie saaggjää'dteei, väärrsaaggjää'dteei di jäänmõsân láâi jee'res vuázzi'žžed. Oo'ccmõsân pie'll äimmõs-suávtõõzz vuázlain älgg lee'd sää'm ä'rbvuõðlaž teáð vaaldšeei. Jeärraz äimmõs-suávtõõzz vuázla ä'lğge ee'ttkâ'stied pirrõstiõttjid le'be jee'res äimmõs-suávtõõzz tuájai peä'lnn kõskksaž tiõðsuõ'rjid.

Saaggjää'dteei älgg ee'ttkâ'stied tiõðsuõ'rjid. Väärrsaaggjää'dteei älgg lee'd sää'm ä'rbvuõðlaž teáð vaaldšeei.

Äimmõs-suávtõõzzâst ä'lğge lee'd sää'm ä'rbvuõðlaž teáð vaaldšeei sä'mmlai dommvuu'd jee'res vuu'din da vuáittmõõžžâst mie'ldd sää'm jee'res kiõlljooukin.

3 §

Šiõttummuš da toi'mmpââ'jj

Riikksuávtõs šiottat sää'm äimmõs-suávtõõzz saaggjää'dteei da jee'res vuázlaid neellj eeggas vuárstes pirrõsministeria e'tkkõõzz mie'ldd. Pirrõsministeria ráukk e'tkkõõzzid tiõðsuõ'rjid ee'ttkõ'stti vuázzi'žžen universitee'ttin, riikk tu'tkkeemstroi'ttlin, äimmõs-suávtõõzz tuájai peä'lnn kõskksaž ämmatõllškooulin da Lää'dd äimmõspanee'lest.

Sää'mte'ğg valmstââll e'tkkõõzz äimmõs-suávtõõzz norrõssân ä'rbvuõðlaž teáð vaaldšee'ji peä'lnn. Pirrõsministeria da sää'mte'ğg sagstâ'lle e'tkkõõzz pirr. Sagstõõllmõõžžin jää'kket, mâid sää'mte'ğgest uvddum lää'jj (974/1995) 9 §:st šiotteet.

4 §

Toi'mmjummuš

Sää'm äimmõs-suávtõs va'lljad kõskkvuõdstes väärrsaaggjää'dteei. Äimmõs-suávtõs lij mie'rreemvääldlaž, ko tu'mmstõktuõjju vuässá'tte saaggjää'dteei le'be oo'ccmõsân peä'l äimmõs-suávtõõzz vuázzlain.

Äimmõs-suávtõõzz ciálklmid uu'det lää'ddkõ'lle da sää'mkiõlivui'm.

5 §

Vuázzlai toi'mmpâá'jj

Sää'm äimmõs-suávtõõzz vuázzli'žžen vuáitt toi'mmjed jáänmõsân kuõ'htt toi'mmpâá'j keäččlõõžži.

6 §

Pa'lkkõõzz

Sää'm äimmõs-suávtõõzz vuázzli'žže määu'set ee'kkpa'lkkõõzz. Saaggjää'dteei pa'lkkõs lij 5 000 eu'rred, väärrsaaggjää'dteei 3 000 eu'rred da vuázzla 1 500 eu'rred.

7 §

Viõ'kkpuáttmõš

Tät asetõs puátt viõ'kke 1 peei'v njuhččmannust 2023.

He'Issnest 9.3.2023

Älggminister Pekka Haavisto

Halltõspiisar Karin Cederlöf